



TOSHKENT DAVLAT YURIDIK UNIVERSITETI REKTORINING B U Y R U G ' I

21.02.2023

111-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda. Jumladan, 2023-yil 30-yanvar kuni 2022/2023-o'quv yili kuzgi semestri uchun Yuridik xizmat modulidan yakuniy nazorat imtixoni oldidan Ommaviy huquq fakulteti tyutori B.Avliyoqulov tomonidan talabalarning hujjatlarini tekshirib, ularni auditoriyaga kiritayotgan vaqtda 4-kurs talabasi Hayitmurotov Loyiq Hayitmurot o'g'li o'z hujjatlarini taqdim etishning o'rniga qo'llarini cho'ntagiga solgan holda "Nega sizga talabalik guvohnomamni berishim kerak?", deb qo'shimchasiga uyali telefonini ham o'zi bilan birga auditoriyaga olib kirmoqchi bo'lgan. Ushbu vaziyatda B.Avliyoqulov talabaning yo'lini to'sgan holda uni auditoriyaga kirishiga ruxsat bermagan. Oqibatda talaba B.Avliyoqulovni imtixonda qatnashayotgan barcha 4-kurs talabalar va nazoratchilar oldida sensirab, telefonini qo'liga olgan holda "Isming nima, raqamingni ayt, sen bilan ko'chada gaplashaman!", deb dekanat xodimiga nisbatan behayo so'zlarni ishlatganligi va uni universitetdan tashqariga chiqishga undaganligi aniqlandi.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, Toshkent davlat yuridik universiteti Odob-axloq kodeksi 18-moddasi birinchi va ikkinchi qismlari, Toshkent davlat yuridik universitetida o'qitishning modul tizimi sharoitlarida talabalar bilimini nazorat qilish tartibi va baholash mezonlari to'g'risida nizomning 28-bandi va universiteti Ichki tartib qoidalari(ichki mehnat tartibi qoidalari)ning 83-bandiga asosan

BUYURAMAN:

1. Universitet Odob-axloq kodeksi 18-moddasi birinchi va ikkinchi qismlarida ko'rsatilgan qoidalarni buzganligi uchun Ommaviy huquq fakulteti 4-

kurs talabasi Hayitmurotov Loyiq Hayitmurot o'g'liga hayfsan intizomiy jazo chorasi qo'llanilsin.

2. Fakultet dekanlari (Sh.Saydullayev, D.Umarxanova, D.Kamalova, B.Musayev, A.Babadjanov) ushbu holat universitetda ta'lim-tarbiya, o'quv jarayoni hamda akademik halollik talablarini buzish, belgilangan tartib qoidalarini mensimaslik ekanligini inobatga olib kelgusida shu kabi holatlarning yuzaga kelishini oldini olish, talabalarda universitetda belgilangan tartib-qoidalariga rioya etishlarini ta'minlash, universitetga hurmat tuyg'ularini shakllantirish maqsadida mazkur buyruq mazmun-mohiyatini, talaba tomonidan sodir etilgan qoidabuzarlikni uning shaxsini sir saqlagan holda talabalar e'tiboriga yetkazilishi va keng muhokama qilinishini ta'minlasin.

3. Ommaviy huquq fakulteti dekani (Sh.Saydullayev):

mazkur talabaning shaxsiy hujjatlar yig'ma jildlariga buyruq nusxasi tikilishini ta'minlasin;

ushbu holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

